

06.01.20

Høyringsuttale sak 19/1533 - Vedtekter for kommunale barnehagar i Alver kommune.

Viser til framlegg for vedtekter for kommunale barnehagar i Alver kommune sendt ut på høyring 25.11.19.

Samarbeidsutvalet i Juvikstølen barnehage ønskjer å gi følgjande innspel til vedtekter for kommunale barnehagar:

Punkt 5. Barnehagelova §12a. Rett til plass i barnehage.

Det er sitert til §12a i barnehageloven, og her er det falt ut eit ord i første setning.

Det står: *Barn som fyller ett år senest innen utgangen av det året det søkes om...*

Det skal stå: *Barn som fyller ett år senest innen utgangen av **august** det året det søkes om...*

Barnehageloven §12a er sitert opp igjen i punkt 7 under opptakskriterie. Her kan ein gjerne vurdere om det er nok å sitere lovparagrafen ein gang og heller vise til punkt 5.

Punkt 7 Opptakskriterie, som går på suppleringsopptak.

Her står det: *Vidare opptak vert gjort på bakgrunn av prioriteringane i søknaden:*

1. *Barn med lovmessig rett, men som har søkt etter 1. mars.*
2. *Barn utan lovmessig rett vert tatt inn etter høgste alder og / eller faglig skjønnsvurdering etter gruppesamansetting, alder, kjønn og søsken.*

Vår vurdering er at det kan være misvisande når det står utdjupa under punkt 2 kva vurderingar som vert gjort, men ingenting under punkt 1. Samarbeidsutvalet foreslår at det blir vist til at ein ved suppleringsopptak følgjer same retningslinjer som er skissert i hovudopptaket der vidare opptak vert gjort på bakgrunn av prioriteringar i søknaden, og at styrar har rom for å gjere faglege skjønnsvurderingar i høve til gruppesamansetting, alder, kjønn og søsken. Og at ein skal prioritere barn med lovmessig rett som har søkt etter 1. mars framfor barn utan lovmessig rett.

Punkt 9 Opningstider /Barnehagerute.

I Lindås kommune har det vore ei maks opphaldstid for barn på 9 timer.

Samarbeidsutvalet ser den er fjerna i framlegg til vedtekter for Alver kommune.

Ut frå eit foreldreperspektiv vurderer vi at dette kan være positivt for foreldre som har lang reiseveg til jobb.

Men når ein utvider barna si opphaldstid må dette sjåast i samanheng med bemanninga i barnehagen. I endene på dagen er bemanninga på avdelingane ein person i ½ til 1 time og to personar vidare i ein periode. **Dersom ein skal utvide barna si opphaldstid må ein samtidig auke bemanninga på avdelingane.**

Punkt 9 Ferieavvikling for barna.

Feriestengte barnehagar berører ikkje Juvikstølen barnehage, så samarbeidsutvalet har ingen spesielle kommentarar i forhold til det.

Punkt 10 Frammøte ved sjukdom.

Gjeld retningslinjer barnehagen følgjer ved sjukdom. Her bør det også bli tatt med brosjyre med retningslinjer utarbeidet av kommuneoverlege / smittevernoverlege.

På vegne av Samarbeidsutvalet i Juvikstølen barnehage

Christine H. Teigland
styrar